

广东通志

广东通志

廣東通志卷二百六十七

甲子重刊

謫宦錄六

編管

韓綱

夏守恩

王履

秦觀

鄒浩

陳次升

龔夬

宋昭

邵成章

時希孟

傅雱

巨師古

裴廩

韓紉

楊煒

于鵬

王處仁

胡銓

辛永宗

吳元美

安誠

王之奇

王遠

裴泳

何兌

魏安行

沈長卿

林東

薛仲邕

莫汲

汪召錫

陸升之

王會

劉汜

王權

杜楫

曾造

湯邦彥

李端卿

張伸之

張林

郭勝

俞大忠

以上宋

宋

韓綱雍邱人父億爲太子少傅卒綱慶厯中知光化軍性苛急不能撫循士卒會盜張海剽劫至境上綱帥禁兵乘城給餅餌多不時民具酒食犒軍輒收其羊豕市錢制兵器士皆憤怒又嘗命軍校作陣圖不成將斬之衆益駭一日土方食軍校邵興叱衆起勿食綱怒執數人繫獄興懼帥衆劫庫兵爲亂欲殺綱綱攜妻子縋城由漢江而下興等遂縱火掠城中引衆趨蜀道爲官兵所敗綱坐棄城除名編管英州

宋史韓億傳

夏守恩字君殊并州榆次人天聖初厯天雄泰寧武寧節度使爲真定府定州路都總管所至恃寵

驕恣不法其子元吉通賂遺市物多不予直定州
通判李參發其贓命侍御史趙及與大名府通判
李鉞鞫問得實法當死帝命貸之除名連州編管
卒貶所

宋史
本傳

王履字坦翁開封人元祐初從父景琚南郊恩爲
三班奉職元符中上書編置新州入黨籍靖康初
除相州觀察使扈駕被畱死之

宋詩
紀事

秦觀字少游揚州高郵人少豪雋慷慨溢於文詞
舉進士不中強志盛氣好大而見奇見蘇軾於徐
爲賦黃樓軾以爲有屈宋才勉以應舉爲親養始
登第調定海主簿蔡州教授元祐初軾以賢良方

正薦于朝除太學博士校秘書省書籍遷正字復
兼國史院編修官紹聖初坐黨籍出通判杭州以
御史劉拯論其增損實錄貶監處州酒稅使者承
風望指候伺過失旣而無所得則以謁告寫佛書
爲罪劓秩徙郴州繼編管橫州宋史本傳元符元年九
月庚戌移雷州編管宋史哲宗紀徽宗立復宣德郎召
還卒於途黃志

鄒浩字志完常州晉陵人第進士調揚州潁昌府
教授呂公著范純仁爲守皆禮遇之哲宗擢爲右
正言章惇獨相用事威虐震赫浩所言每觸惇忌
仍上章露劾數其不忠慢上之罪未報而賢妃劉

氏立浩言立后以配天子安得不審今爲天下擇母而所立乃賢妃一時公議莫不疑惑陛下廢孟氏果與賢妃爭寵乎抑其不然也孟氏罪廢之初天下孰不疑立賢妃爲后及讀詔書有別選賢族之語又聞陛下臨朝慨然以爲國家不幸至於宗景立妾怒而罪之於是天下始釋然不疑今竟立之豈不上累聖德帝謂此亦祖宗故事豈獨朕耶對曰祖宗大德可法者多矣陛下不之取而效其小疵臣恐後世之責人無已者紛紛也帝變色猶不怒持其章躊躇四顧凝然若有所思付外明日章惇詆其狂妄乃削官羈管新州

宋史本傳溫益守潭

日浩貶新州道其郡投宿僧寺益差兵卒逼浩登

舟使冒風濤夜度

東都事畧
溫益傳

又有田畫者志義士

也元符間監廣利門浩除言官畫見浩問曰平生
與君相許者何如今君爲何官浩媿謝旣而朋黨
之禍愈甚畫乃謝病歸陽翟一日報立皇后劉氏
畫曰鄒君不言可以絕矣又一日浩以書約畫會
頰昌中途自云得罪畫亟往浩具言諫立皇后時
言戇得罪二人畱連三日臨別浩出涕畫正色曰
使君隱默官京師遇寒疾不汙五日死矣豈獨嶺
海之外能死人哉願君無以此舉自滿士所當爲
者未止此也浩茫然自失歎曰君之贈我厚矣乃

別去

東都事畧本傳

徽宗立召還復爲右正言

宋史本傳

陳次升字當時興化仙游人第進士知安邱縣紹聖中爲御史轉殿中論章惇蔡卞植黨爲姦乞收還威福之柄又論卞客周穉貪鄙鄭居中愼佞由是惇卞交惡之乘間白爲河北轉運使帝曰潛臣易得耳次升敢言不當去更進左司諫次升累章劾章惇皆畱中京師有富家乳婢怨其主坐兒於上而嵩呼者邏繫獄次升乞戒有司無得觀望帝問大臣何謂蔡卞曰正謂觀望陛下爾誣其毀先烈擬謫監全州酒稅帝以爲遠改南安軍徽宗立召爲侍御史極論惇卞曾布蔡京之惡竄惇於雷

居卞於池出京於江寧遷右諫議大夫崇寧初降
集賢殿修撰繼又落修撰除名徙建昌編管循州

皆以論京卞故

宋史本傳

龔夬字彥和瀛州人清介自守有重名進士第三
紹聖初擢監察御史徽宗立拜殿中侍御史始上
殿卽抗疏請辨忠邪時章惇蔡卞用事夬首論其
惡又論蔡京治文及甫獄本以償報私仇始則上
誣宣仁終則歸咎先帝願考証其實以正姦臣之
罪於是三人者皆去又上疏乞正元祐后四位號
及元符后不當並立書報聞已而元祐后冊再廢
言者論夬首尾建言詔削籍編管房州繼徙象

宋史

傳本編管化州東都事畧本傳徒步適貶所持扇乞錢以自

給逢赦令得歸政和元年卒年五十五宋史本傳

宋昭宣和四年九月以散郎上書諫北伐王黼大

惡之詔除名勒停廣南編管宋史徽宗紀靖康元年秋

七月貶連州宋史欽宗紀

邵成章錄宗內侍也康王將卽位元祐太后遣成章奉乘輿服御至南京從幸揚州金人掠陝西京東諸郡羣盜起山東黃潛善汪伯彥匿不以聞及張遇焚員州去行在六十里帝亦不之知也成章上疏條具潛善伯彥之罪曰必誤國且申潛善等使聞之帝怒除名南雄州編管侍御史馬伸言成

章緣上書得罪今是何時以言爲諱久之帝思成章忠直召赴行在其徒忌之譖于帝遂止于洪州金人入洪聞其名訪求得之謂之曰知公忠正能事吾主可坐享富貴成章不應脅之以威亦不從金人曰忠臣也吾不忍殺遺之金帛而去宋史宦者本傳時希孟建炎三年三月苗傅與王世修等謀作亂乞斬康履藍珪以謝三軍希孟曰禍由中官不悉除之禍未已也遂命捕履卽樓下腰斬傅猶肆惡言謂帝不當卽大位請隆祐太后同聽政及遣使與金議和帝許諾卽下詔賊聞詔不拜曰自有皇太子可立張達曰今日之事當爲百姓社稷計希

孟曰宜率百姓死社稷否則從三軍之請帝遣人

奏禪位幸顯忠寺四月戊申朔帝還宮甲寅希孟

編管吉陽軍

宋史苗
傳傳

傳雱紹興二年八月己亥停官英州羈管

宋史高
宗紀

巨師古官統制紹興三年六月甲申朔坐違韓世

忠節制除名廣州編管

裴廩知衡州紹興五年十一月戊子坐調夫築城

凍死二千餘人除名嶺南高州編管

俱同上

韓紉爲澧州推官紹興九年金人歸河南陝西故

地帝雖聽秦檜和而實疑金詐未嘗弛備也紉言

金人叵測

宋史姦臣
秦檜傳

上書諫和議知州李紹祖得

其副本獻于秦檜以爲動搖國是編管循州

黃志

楊煒越州人與李光同郡光爲參政而金人議和

煒以書責光後爲黃巖令有詆時相秦檜語除名

萬安軍編管又有于鵬者岳飛部下參議官也與

飛盡忠報國檜尤惡之除名萬安軍編管

同上

王處仁送連州編管

朝野雜記

胡銓字邦衡廬陵人建炎二年高宗策士淮海見

而異之將冠之多士有忌其直者移寘第五授撫

州軍事判官轉承直郎丁父憂從鄉先生蕭楚學

春秋紹興五年兵部尚書呂祉以賢良方正薦賜

對除樞密院編修官八年宰臣秦檜決策主和金

使以詔諭江南爲名中外洵洵銓抗疏書旣上檜以銓狂妄凶悖鼓衆劫持詔除名編管昭州仍降詔播告中外給舍臺諫及朝臣多救之者檜迫於公論乃以銓監廣州鹽倉明年改簽書威武軍判官十二年諫官羅汝楫劾銓飾非橫議詔除名編管新州十八年新州守臣張棣訐銓與客唱酬謗訕怨望移謫吉陽軍二十六年檜死銓量移衡州銓之初上書也宜興進士吳師古餽木傳之金人募其書千金其謫廣州也朝士陳剛中以啟事爲賀其謫新州也同郡王廷珪以詩贈行皆爲人所訐師古流袁州廷珪流辰州剛中謫知虔州安遠

縣遂死焉三十一年銓得自便孝宗卽位復奉議

郎知饒州隆興元年遷秘書少監擢起居郎

宋史本傳

五月三日晚侍上於後殿之內閣上曰卿流落海

島二十餘年得不爲屈原之葬魚腹者實祖宗天

地畱卿以輔朕也流涕答曰小臣三遷嶺海命出

虎口豈期今日再見天日上亦收淚曰卿被罪許

久可謂無辜天下知之不在多說乃就坐食兩味

八寶羹上曰此味極佳內有蚌肉猶可喫飯答曰

臣向在新州日食海味但如此則閒嘗上曰卿向

在海南爲詩必多答曰臣向居嶺海時日率作詩

十數首初任福州簽判以詩詞唱和得罪故遷新